

PM: Tak ada rombakan Kabinet
Malaysiakini.com
February 17, 2011

Datuk Seri Najib Razak hari ini menolak ura-ura kononnya beliau akan membuat rombakan Kabinet dalam masa terdekat.

"Siapa yang buat rumours ini?" kata Perdana Menteri kepada pemberita selepas merasmikan program pemantapan dan pemyarakatan Dewan Negara, Parlimen Malaysia di Dewan Bankuet, Parlimen di Kuala Lumpur hari ini.

Spekulasi yang tersebar dalam twitter dan blog tertentu semalam mencetuskan kekalutan pihak media yang cuba mendapatkan pengesahannya.

Satu portal berita malahan menyatakan dua timbalan menteri akan dinaikkan pangkat manakala seorang ketua parti politik akan turut dilantik sebagai menteri.

Najib berkata, rombakan Kabinet boleh diadakan pada bila-bila masa sahaja atau pun tidak diadakan langsung.

- Bernama

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/156254>